



909

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Bosna i Hercegovina Federacija Bosne i Hercegovine KANTON SARAJEVO			
12-03-2025			
01	04	55454-219	24

Broj: 14-10-33-00945/25
Datum: 07. 03. 2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
Reisa Dž. Čauševića br. 1
71000 SARAJEVO

N/r Elvedin Okerić, predsjedavajući
N/r Belma Kapo, zastupnica

PREDMET: Informacija, dostavlja se;

VEZA: Vaš akt, broj: 01-04-55454-43/24 od 11.02.2025. godine

Kantonalna uprava za inspeksijske poslove Kantona Sarajevo, dana 14.02.2025. godine, zaprimila je akt, broj i datum veze, a kojim je dostavljeno zastupničko pitanje, zastupnice Belme Kapo, kojim se traži informacija "da li je režim propisivanja lijekova Caffetin i Andol bio predmet inspeksijskih nadzora u protekla 3 mjeseca".

Informacija o istom dostavljena je zastupnici Kapo i putem e-maila, obzirom da je po istom već odgovoreno prema interesovanju medija, ali isto dostavljamo i ovim putem.

Farmaceutska inspekcija Kantonalne uprave za inspeksijske poslove Kantona Sarajevo kontinuirano kontroliše poštivanje režima izdavanja lijekova, a te kontrole su krajem 2024.godine bile pojačanog intenziteta. Važno je istaći da predmet provedenih kontrola NIJE bio režim izdavanja lijekova Caffetin, Andol i Brufen.

Akcent kontrolnih aktivnosti je stavljen na režim izdavanja lijekova za koje je potreban ljekarski recept, kao što su antibiotici, anksiolitici, antidepresivi, hormoni i kortikosteroidi. Tokom pojačane kontrole farmaceutski inspektor je kontrolisao lijekove kao što su Analgin 10x500 mg, Lexilium 1,5 i 3 mg, Misar tablete 0,25 mg, Lioresal tablete 25mg, Ozempic 1 mg i dr.

Tokom pojačanih kontrola u mjesecu decembru 2024.godine na području Kantona Sarajevo iz nadležnosti farmaceutskog inspektora je izvršeno ukupno 26 inspeksijskih nadzora u postupku kojih je zbog utvrđenih nepravilnosti subjektima nadzora doneseno 10 rješenja o otklanjanju utvrđenih nepravilnosti, te 14 prekršajnih naloga u novčanom iznosu od 38.000, 00 KM, uz napomenu da se

navedne prekršajne i upravne mjere ne odnose samo na prekršaje zbog nepoštivanja režima izdavanja lijekova, već i druge nepravilnosti iz nadležnosti farmaceutske inspekcije.

Pojašnjavamo da je pregledom Registra lijekova Bosne i Hercegovine, sačinjenog u martu 2024. godine, a koji je javnosti dostupan na stranici Agencije za lijekove Bosne i Hercegovine, jasno upisan naziv lijeka, proizvođača i režim izdavanja i generika lijeka, na osnovu čega se može utvrditi da postoje registrovani lijekovi koji se izdaju BEZ recepta, kao što su Brufen effect, Brufen effect rapid, Caffetin menstrual, Dalsy, Rapidol S, iz grupe lijekova "derivati propionske kiseline, generičkog naziva ibuprofen".

Također, iz grupe "analgetika i antipiretika" izdvajamo Andol i Aspirin, koji se izdaju bez recepta, te iz grupe "kofein, kodein, paracetamol", gdje spada Caffetin, koji se također izdaje bez recepta.

U Registru uz svaki lijek stoji i uputa da li se lijek izdaje bez ljekarskog recepta ili uz ljekarski recept, odnosno da li se lijek primjenjuje u zdravstvenoj ustanovi sekundarnog ili tercijarnog nivoa, kao i sve druge posebne oznake, te farmaceutska inspekcija nije kontrolisala ništa izvan onoga što je određeno zakonskim propisima.

Upravo radi otklanjanja nastalih nejasnoća koje su nastale kao posljedica pojedinih medijskih natpisa u kojima se navodi da je za kupovinu svih lijekova potreban ljekarski recept, ističemo da takva informacija nije zvanična objava Inspektorata sanitarne, zdravstve, farmaceutske inspekcije i inspekcije za hranu Kantonalne uprave, a u ovom saopštenju referirali smo se samo na one lijekove koji su ranije spomenuti u medijskim izjavama, bez namjere favoriziranja određenih proizvođača.

U Kantonalnoj upravi za inspeksijske poslove Kantona Sarajevo zaposlen je jedan farmaceutski inspektor, a zbog uočene potrebe za pojačanom kontrolom u ovoj oblasti, po ovlaštenju direktora jedan zdravstveni inspektor povremeno obavlja i poslove farmaceutskog inspektora. Nakon usvajanja Budžeta za 2025.godinu Kantonalna uprava za inspeksijske poslove KS zatražiće saglasnost Vlade KS za povećanje broja farmaceutskih inspektora.

S poštovanjem,



Dostavljeno:

1. Naslovu
2. a/a